

Protocol no. 22
Sezzüda da lündeschdi, 11 gün 2012 – 20.00-23.45

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)
Tractanda 158 Andri Lansel, Domenic Augustin e Chasper Ruben
(cumischiun sindicatoria)
Mario Riatsch (silvicultur), Jon Cudin Felix (manader tecnic)
Tractanda 159 - 161 Jon-Curidin Felix (manader tecnic)

Protocol

Il protocol no. 21 da la sezzüda da marcurdi, 6 gün 2012 vain approvà.

158 9 FINANZAS ED IMPOSTAS
Rendaquint cumünal 2011

Il capo salüda a tuot ils preschaints e dà ouravant tuot il pled al president da la cumischiun sindicatoria Andri Lansel. In nom da la cumischiun sindicatoria declera Andri Lansel cha la revisiun saja gnüda fatta dal büro Lischana Fiduziari e cha tal büro haja constattà üna contabilità cumünala manada correctamaing e cun bun uorden. Implü spiega el impustüt eir als cusgliers nouvelets la funcziun da la cumischiun sindicatoria. Quella nun ha nempè l'incumbenza da far amo üna jada üna revisiun, dimpersè ella sto controllar tuot quai chi nu vain mossà sü cun muossamaints aint illa contabilità, p.ex. vain controllà sch'id es eir effectivmaing dat quint per tuot. Davò quistas spiegaziuns vain repassà chapitel per chapitel il quint da gestiun ed il quint d'investiziun. Il Cussagl piglia cogniziun da las spiegaziuns detagliadas dal contabel, dal silvicultur e dal manader tecnic. Il contabel preschainta il bilantsch e muossa via sün ün pèr puncts. Il quint da gestiun e d'investiziun e'l bilantsch cumünal pel 2011 nun han dat andit da far correcturas. Eventualas remarchas sun notadas aint il rapport intern da la cumischiun sindicatoria. La cumischiun sindicatoria propuona da far bun il quint dal 2011 e da til suottametter sco preschantà a la radunanza cumünala. Sco ulteriur'infuormaziun muossa il president da la cumischiun sindicatoria amo üna preschantaziun da PP chi dà üna survista dal svilup da las finanzas dal cumün i'ls ultims ons.

In seguit decida il Cussagl cumünal:

1. da suottametter a la radunanza cumünala, il rendaquint cumünal per l'on 2011, chi serra giò cun entradas da fr. 8'392'502.93 e sortidas da fr. 8'381'864.54 e, davò resguardà amortisaziuns ordinarias e supplementaras da fr. 572'849.20, cun ün vanz da fr. 10'638.39.
2. da suottametter a la radunanza cumünala, il quint d'investiziuns pel 2011 chi serra giò cun ün'investiziun netta da fr. 1'560'500.12

La radunanza ha lö als 4 lügl 2012.

Il capo ingrazcha fich, a la cumischiun sindicatoria, per la buna collavuraziun e per la lavur prestada.

159 021

FABRICA

Marco e Heidi Laurent –Ingrondimaint da la chamonna tenor plans surlavurats, Plan da Porchs

L'uffizi per il svilup dal territori Grischun chi tratta las dumondas per stabilimaints dadour la zona da fabrica ha fat bun la dumonda inoltrada dals patruns da fabrica per fabricar oura la chamonna aint a Plan da Porchs e per metter sù implü üna chamonnina per giovar pels uffants. Il Cussagl cumünal decida perquai da conceder il permiss da fabrica tenor ils plans surlavurats e fats bun da l'uffizi per il svilup dal territori Grischun.

Il Cumün inchascha üna taxa da trattamaint da fr. 200.--.

160 021

FABRICA

G. Lutz e C. Di Guimaraes de Aquino – Chasa Stron 261 e 261A

Sco ultim documaint necessari per pudair trametter la prolungaziun dal permiss da fabrica es avantman uossa eir la conferma in scrit da la decisiun da la chüra da monumaints dal 2009 ch'id es impegnativa tenor il decret. A regard la dumonda da fabrica per pudair dozzar ed isolar il tet fatta separadamaing dal 2011 accepta il Cussagl cumünal la dumonda da l'architecta da pudair retrar tala a favur da tilla integrar i'l proget actual. Il müdamaint dal proget uriunt vain fat bun tenor ils plans inoltrats actualmaing da l'architecta Marisa Feuerstein. In vista cha tuot la documainta necessaria es avantman decida il Cussagl cumünal da trametter il dectret per la prolungaziun dal permiss da fabrica sco formulà dal giurist cumünal.

Il cuosts pel parair giuridic sco eir per la formulaziun dal decret implü la taxa da trattamaint dal cumün van a charg dal patrun da fabrica.

161 021

FABRICA

Swissroof GmbH – Decisiun dal güdisch federal

La decisiun dal Güdisch federal a regard il plont da la Swissroof GmbH cunter la decisiun dal Güdisch administrativ dal chantun Grischun chi vaiva refüsà lur plont cunter la decisiun dal cumün da Sent es avantman. Il plont da la Swissroof GmbH es gnü refüsà eir dal Güdisch federal uschè cha la decisiun dal Güdisch amministrativ dal chantun Grischun e cun quai eir la decisiun da l'anterior Cussagl cumünal sun gnüdas confermadas plainamaing.

162 74

SUNTERI E SEPULTÜRAS

Dumonda per sepultura a Sent da persona d'ultrò

La famiglia in led Ester Felix-Polati ha inoltrà la dumonda da pudair sepulir il trapassà Jon Domenic Felix, uriunt da Sent ma domicilià d'utrò, i'l sunteri da Sent. Il Cussagl cumünal decida da conceder il permiss.

La taxa da trattamaint importa fr. 50.--.

163 70

PROVEDIMAIN D'AUA

Spostamaint lingia d'aua, Archas - Surdattas lavur

Causa la fabrica d'üna chasa nouva sün Archas faja dabsögn da spostar la lingia da l'aua d'Uina. Quist spostamaint es previs aint il preventiv d'investiziuns. Il schef d'infrastructura preschianta las offertas entradas per la lavur d'impressari e sanitari. Il Cussagl cumünal decida da surdar las lavurs seguaintamaing:

Lavur d'impressari: **Fabio Bau, Sent** pel predsch net da fr. 30'779.-- (incl. IPV 8%)

Lavur sanitara: **Ernest Vital, Sent** pel predsch net da fr. 67'347.25 (incl. IPV 8%)

**164 622.313.02 Material pel mant. da sendas
Refabricaziun Punt Zuort-Griosch**

La punt tanter Zuort e Griosch es fermamaing donnagiada e sto gnir refatta. La lavur vain manada tras da la gruppa da mantegnimaint cumünala in collavuraziun culla gruppa da mantegnimaint dal cumün da Ramosch. A regard ils cuosts s'ha pudü abinar cha 1/3 dals cuosts surpiglia sar dr. Berry dal Hof Zuort. Ils ulteriurs 2/3 vegnan spartits egualmaing in fuorma da lavur tanter ils cumüns Ramosch e Sent.

165 ORIENTAZIUNS

Radunanza da rendaquint 2011

La radunanza da rendaquint 2011 fixada sün marcurdi ils 11 lügl 2012 sto gnir spostada sün marcurdi ils 4 lügl 2012.

Ingrondimaint da l'implant d'innaiver a Niruns

Il capo orientescha chi haja gnü lö üna visita occulara sü Niruns cun rapreschantants da l'uffizi per natüra ed ambiaint (ANU), da la Pro Natura, da las Pendicularas Motta Naluns e dal cumün da Sent in connex culla dumonda da fabrica per l'ingrondimaint da l'implant d'innaiver e la posiziun da la Pro Natura entrada sün tala dumonda.

Allianza da las Alps

Il cumün da Sent es commember da l'Allianza da las Alps. Sco rapreschantant pel cumün da Sent vain annunzchà nouv il capo Albert Mayer e sco post da contact l'actuariat.

L'actuara: